

115 年全國語文競賽臺中市複賽臺灣原住民族語言朗讀文章 【邵語】 國中學生組 編號 2 號

mutusi Qariawan mara sa kinapruq

iamin tu kahiwan, naam a tanatuqash initusi Alishan minthau. naam a tanatuqash miniahala munai Zintun. miahala inaiwan Puzi, Lalu, minasha sa thau. makitnatusi Shtafari, numa Thapuduk, shaunatusi Qabizay, makitnaqariawan pinbuhat.

Qariawan a prug mabariz, mashtay mapaqaqalaw, numa sa thau antu pakrara, antu pikzawin suma. numawan thau miahala iqariawan thau a prug, numa tu mingqaraiza, itia sa Alishay a thau, itia munai Zintun, malhkaktha naam a daduu mzai anaiza Qariawan a prug, miaqay munanai mahhkaktha naam a daduu, numa sa daduu mashtay thau puliutin malhkaktha, minalhkakakthaiza mashtay mashashduu, numawan sa Alishay matinanai Qariawan.

Alishay a shanautuan mzai alhaian iamin pazay tualitata wa kawash, qazii maniun alakuza, shana maniun ya alakuza. mukaktuniza malhkaktha mashtayza mashashduu.

isisuaiza iamin thau tataiza wa kawash, mutusiza iamin thau Qariawan Alishay mara sa kinapruq. miaqay sa Alishay ya mukaktuniza kunlhit pazay

pinutauniza. itia sa Alishay a thau munai Zintun daduu fuilh, numa iamin thau mashtay mutantu mara sa kinapruq a pazay. numa sa pusuunin zain piutun piasuun, numa sa thau muqayiza mutantu lhmupish, maqa sa thau a pazay pakushuqishin araan sa tualit.

miaqay ya shauna'iutuiza wa qali mutanautu sa mara sa kinapruq a tualit. minu tu mingqaraiza pakautuan thaithuy pinbabuqbuqin, matat'anak Alishay mapa'inbuqnur amapathay, numa zain lhkananai a thau, "ata tu iazithu, ani maniun Alishay ma'alah'a munai iamin." numa sa Alishay mzai, "antu maniun muririw, iamin Alishay sa muririw!" numa sa Alishay patu'iyaw sa thau, muqtha malhkaktha malhinuna, "qazii iamin ya minkuynii maniun thau ulhthkiz munai mangqa'unan iamin Alishay. numa amiqilha akmalawa iamin sa qmur, kaipathayan iamin fafuy qnuan a bunlhaz masa sisi, masa qilha, ukaiza maniun kmathu sa taqan antuan qilha."

mashtay sa Thau ya mushaiza mapa sa qmur, qnuan a bunlhaz, fafuy a bunlhaz, shashu sa qilha.

115 年全國語文競賽臺中市複賽臺灣原住民族語言朗讀文章 【邵語】 國中學生組 編號 2 號

邵族來埔里收租的故事

祖先最早居阿里山，但是祖先是最先到日月潭的人，因為人口增加後陸續擴散，後來還到埔里耕種。因埔里土地肥沃平坦，各族爭奪激烈，但邵族仍占有土地，每年收取租穀，待收成入倉後，邵族再前往領取或換成金錢，後來因租穀問題引發爭執，邵族關心詢問，對方表示是自身問題，並感到愧疚，於是邀請邵族於過年時到埔里接受盛大款待，以表歉意與和好。

從此每當埔里的人過年時，邵族人就會去埔里做客，捎回很多很多的粿、豬肉、牛肉和酒。